

2010-mi isumaginninnermut tunniuttakkanik pisartagallit

2010-mi inuit 17.116-it piffissap annikitsup sivilisunerussulluunniit ingerlanerani pisortanit ataasiarlutik arlaleriarlutilluunniit isumaginninnermut tunniuttakkanik pisartagaqarsimapput. Inuk ataaseq ikiorsiissutiniq assigiinnngitsunik pisartagaqarmat, naatsorsuineq ataatsimut isigalugu inuit ikinnerusut naatsorneqarput ikiorsiissutiniq ataasiakkaanut immikkoortunut sanilliullugit.

Inuit ataasiarlutik arlaleriarlutilluunniit isumaginninnermut ikiorsiissutiniq pisartagaqartut 2010-mi 2,2 procentinik amerleriarput 2009-mi kisitsisinut sanilliullugu. Siusinaarluni soraarnerussutisiaqartut, erninermilu ullormusiaqartut taamatullu pisortanit ikiorsiissutiniq pisartagaqartut amerleriarput, inuilli suliffeqanngikkallarnermi ikiorsiissutiniq pisartagaqartut utoqqalinermilu soraarnerussutisiaqartut ikinnerulerlutik.

Utoqqalinermi soraarnerussutisiaqartut ikilinerat ilaatigut peqquteqarpoq, 2010-mi jannuaarip aallaqqaataanit soraarnerussutisiaqalernissaq 65-nik utoqqaassutsimut qaffanneqarmat.

2010-mi isumaginninnermut tunniuttakkat katillugit 789,2 mio. koruuniusimapput, tassani takuneqarsinnaalluni qaffariaat ukiumut siulianut sanilliullugu 3,6 procentiulluni. Suliffeqanngikkallarnermi ikiorsiissutit, erninermi ullormusianut taamatullu utoqqalinermi soraarnerussutisianut akiliutigineqartut annikilleriarput, akerlianik siusinaarlutik soraarnerussutisianut akiliutit 12,1 procentimik pisortaniillu ikiorsiissutiniq akiliutigineqartut 9,6 procentimik annertuseriarlutik. Siusinaarluni soraarnerussutisianut akiliutit annertuseriarnerannut peqqutaasut ilagaat kisermaanut tunniuttakkat aallaavittut aningaasat aalajangikkat annertussusaat juulip aallaqqaataanit 2010 ukiumut 88.812 koruuniniit 100.000 koruuninut qaffanneqarnerat.

*Isumaginninnermi
ikiorsiissutiniq pisartut
ukiunut agguarlugit*

	2010	2009	2008	2007	2006
Inuit amerlassusii					
1. jan.-miit innuttaasut 15-it sinnerlugit utoqqaassusillit	43.625	43.188	43.054	42.888	42.805
Isumaginninnermi kiorsiissutiniq pisartut, ataatinut	17.116	16.743	16.483	16.811	17.073
Pisortanit ikiorsiissutiniq pisartut katillugit	8.325	7.817	7.485	7.909	8.793
Suliffeqanngikkallarnermi kiorsiissutiniq pisartut katillugit	3.521	3.777	3.377	3.485	3.286
Erninermit ullormusianik pisartut il.il. katillugit	1.155	1.126	1.232	1.039	915
Siusinaarluni soraarnerussutisianik pisartut katillugit	2.925	2.801	2.884	2.913	2.939
Utoqqalinermit soraarnerussutisianik pisartut katillugit	3.838	3.984	4.135	4.046	3.828

<i>Isumaginninnikkut ikiuutisinermi anigaasartuutit ukiunut agguarlugit</i>	2010	2009	2008	2007	2006
	Aningaasartuutit				
Isumaginninnermi ikorsiissutit, ataatsimut naatsorsorlugit	789.205	761.746	714.712	685.665	636.558
Pisortanit ikorsiissutit katillugit	121.189	108.086	91.632	97.459	101.986
Suliffeqanngikkallarnermi korsiissutit katillugit	39.804	42.351	30.217	33.744	29.542
Erninnermi ullormusiat il.il. katillugit	34.471	34.623	29.585	30.699	19.449
Siusinaarluni soraarnerussutisiat katillugit	243.956	222.591	221.042	221.426	221.300
Utoqqalinnermi soraarnerussutisiat katillugit	349.785	354.095	342.236	302.337	264.281

*Paasissutissat
amerlanerusut*

2010-mi isumaginninnikkut ikisitsisitigut nassuiaasiorneq ataatsimut www.stat.gl iserfigalugu PDF-tut qimerloorneqarsinnaapput. Paasissutissanik amerlanerusunik apeqquteqarfigineqarsinnaavoq naatsorsueqqissaarnermi pisortaq Anders Blaabjerg oqarasuaat 36 23 72 atorlugu imaluunniit e-mail abla@stat.gl atorlugu.